

1259, setembre, 12

*Amau de Palol defineix a Sant Daniel els seus drets sobre una coromina situada a Vilamalla, per 250 sous.*

ASD núm. 181, perg. orig., 205 x 275 mm. Còpia: Llibre 21, núm. 130, pp. 133-136.

Sit omnibus manifestum [quod ego Ar]nallus de Palaciolo, gratis ac spontanea uoluntate, diffinio et remitto Deo et monasterio Sancti Danielis in manu et posse de uobis domina Berengaria, Dei gratia eiusdem abbatissa et conuentui eiusdem in perpetuum totum usumfructum et uiolarium et ius et quicquid et quantum iuris et racionis ego habeo et habere debeo aut mihi competit uel competere debet in omnibus illis condaminis quas predictum monasterium habet in parrochia Sancti Uincentii de Uilalmala, et in area et casali que sunt in cellaria Sancti Uincentii de Uilalmala et in aliquibus aliis in tota parrochia antedicta, ratione uiolarii et ususfructus quod mihi pertinet ratione filiorum meorum Pauli et Bemardi, quibus domina Iasperta condam uxor mea predictas condeminas in suo testamento legauit, uel ratione sponsaliciai et obligationis inde mihi facte a dicta Jasperta condam uxore mea pro dote et donacione propter nupcias, uel alio aliquo modo uel iure. Predictum itaque ius et quidquid et quantum iuris et rationis in predictis condaminis et casali et area et in tota parrochia antedicta ego habeo et habere debeo et mihi competit uel competere debet aut potest ratione uiolarii et ususfructus que inde ad me peruenit qualicumque ratione uel ratione sponsaliciai et obligationis inde mihi facte pro dote et donatione propter nuptias uel alio aliquo modo uel iure, et expletum quod ibi est istius anni presentis, prout melius dici et intelligi potest ad comodum et utilitatem dicti monasterii et uestri domine Berengarie abbatisse predicte et conuentus eiusdem, sic totum integre Deo et dicto monasterio et uobis dicte domine Berengarie abbatisse et conuentui eiusdem diffinio et in perpetuum remitto ad omnes uestras uoluntates ibi et inde perpetuo faciendas, ita quod numquam in predictis uel in tota parrochia antedicta ego uel aliquis pro me aliquid rationibus supradictis uel alio aliquo modo uel iure petere, exigere uel etiam demandare ullo tempore ualeamus, immo predictum monasterium et uos dicta domina Berengaria abbatissa et conuentus eiusdem habeatis omnia supradicta, et sint semper uobis et dicto monasterio et conuentui eiusdem libera, absoluta et penitus expedita ab omni petitione, demanda, uinculo et obligatione et iure quod et que in predictis ego habeam uel habere debeam iure aliquo uel causa ad uestram uoluntatem perpetuo faciendam; dando et cedendo Deo et predicto monasterio et uobis dicte domine abbatisse et conuentui eiusdem totum ius meum et locum· et uoces et rationes et omnes acciones meas reales et personales, utiles, directas quecumque in predictis mihi competit uel competere possunt aut debent qualicumque ratione, ad omnes uestras uoluntates perpetuo faciendas; renuncians in presenti omni iuri et racioni michi in predictis competenti et competituro, sine aliquo retentu quem ibi

uel inde in aliquo non facio neque seruo, omnibus meis uocibus et racionibus et iuribus et omnium meorum ibi et inde perpetuo extinctis et penes uos et dictum monasterium remanentibus et translatis. Et propter hanc diffinitionem et remissionem recipio a uobis ducentos quinquaginta solidos bar. de temo, de quibus fateor me a uobis bene fore paccatum, renunciando exceptioni peccunie non numerate. Et si pro hac diffinitione amplius debeam habere uel mihi debeat contingere predictis debetur (sic), totum dono et remitto uobis et dicto monasterio donatione inter uiuos, renunciando expresse legi qua deceptis ultra dimidiā iusti precii subuenitur et omni exceptioni doli et actioni in factum et restitutioni in integrum et omni alii iuri et rationi quibus contra hec in aliquo obuiam ire possem. Et ad maiorem firmitatem omnium predictorum habendam, iuro per Deum super sancta .III. eius Euangelia corporaliter tacta hec omnia semper bona et firma habere et tenere et nullo tempore contrauenire per me uel per aliquam interpositam personam, iure aliquo siue causa.

Actum est hoc .II. idus septembbris anno Domini millesimo .CCL. nono.

Sig+num Arnalli de Palaciolo predicti, qui hoc firmo, laudo, concedo pariter atque iuro. Testes sunt Berengarius de Cistella, Arnallus Riboti, clericus de Sancto Daniele, Petrus de Saus, Bernardus de Saltu et Bernardus de Balneolis.

Sig+num Iohannis de Porchariis, qui hoc scripsit mandato Bernardi de Uicco, publici Gerunde notarii. Ego Bernardus de Uicco, publicus Gerunde notarius, subscribo.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 379-380